



Unione  
dei comuni  
fenici

# COMUNU DE SANTA JUSTA

Assessorau a is Servìtzius Sotzialis

## SERVÌTZIU ANIMATZIONI DE S'ISTADI PO MINORIS



ANNU 2020



### Epuru epuru arribada s'ora de si spassiai!

S'Amministratzioni bolit cuncordai movendi de su 6 de su mesi de argiolas e finas a s'8 de su mesi de austu de su 2020, su Servìtziu de Animatzioni de s'istadi po is minoris chi tenint s'arresidèntzia in su Comunu de Santa Justa, chi in s'annu scolàsticu 2019/2020 ant frequentau sa Scola Materna, sa Scola Primària e sa Scola Mèdia.

Su servìtziu dd'at a s'ighiri sa Cooperativa Sotziali *L'Alba*, chi comentu is annus passaus s'at a incurai de cuncordai is atividadis chi s'ant fai duas diis a sa cida a cadauna fàscia de edadi, arripetendi totu sa normativa po non si atacai apari su Covid-19, asseguendi duncas totu is mesuras chi si ponint in contu, in mesu a custas s'intrada a borta a borta de is grupus a su *triage* a s'inghitzu de is atividadis (a mesurai sa callentura cun unu *thermo-scanner*, a s'igienizai is manus cun solutzioni idroalcòlica, a si poni is DPI (mascarinas), a s'abarrai atesu s'unu de s'àteru in totu is giogus e atividadis, a s'incurai e a igienizai a fini a fini is logus de foras e de aintru chi at postu a disponimentu s'Amministratzioni Comunali, sa sanificatzioni de is servìtzius igiènicus chi si usant de borta in borta e su raportu fitianu sèmpiri cun su/sa matessi animadori/ra cun raportu 1/5 po is pipius chi andant a sa Scola Materna, 1/7 po is pipius chi andant a sa Scola Primària, e 1/10 po is minoris chi andant a sa Scola Mèdia).

Biu s'abisòngiu de cuncordai totu a fini a fini e arripetendi is mesuras contras a su COVID-19, Si pedeus de cumpilai su MÒDULU DE PREADESIONI, finas po ndi apurai sa disponibilitadi a ndi pigai parti.

Su mòdulu de preadesioni s'at a podi mandai cun posta eletrònica ordinària a s'indirizzu [info@comune.santagiusta.or.it](mailto:info@comune.santagiusta.or.it) o, feti candu unu non ndi tenit de custas ainas, intregai a manu a s'Ufitzu Protocolu de su Comunu de Santa Justa me in diis e oràrius chi aberrit: de su lunis a sa cenàbura, de is 11 a sa 1:30 de meigama.

Is rechestas ant a depi arribai a is indirizzus arremonaus movendi de mèrcuris 17 de làmpadas e finas a sa 1:30 de maigama de su 19.06.2020 candu unu nci dda intregat a manu a s'ufitziu protocolu e aintru a mesunoti de su 21.06.2020 candu unu nci dda mandat cun posta eletrònica ordinària o certificada.

S'Assessori a is Servìtzius Sotzialis  
(Pietro Paolo ERBI')

Su Sìndigu  
(Antonello FIGUS)